

Нажас сувлар билан суғорилган мевалар ва ахлатхонада ўсган зироатлар дони

20:11 / 27.04.2016 4961

САВОЛ: Ассалому алайкум, ҳурматли Шайх Муҳаммад Содиқ Муҳаммад Юсуф жаноблари, бизнинг саволимиз қуйидагича: Биз яшаб турган жойдан 20-25 км. масофада чўл қумлари бор. Шу қумларда кўллар ташкил этилиб, ушбу жойларга шаҳарлардан турли ахлат-нажосатлар канализатсия орқали келиб тўпланади. Кейинги пайтларда баъзи инсонлар шу сувларни қочириб ўрнига шоли экишмоқда. Шоли эса фақат шу ахлат сув (ранги ўрик шарбати сингари қора-қизил, ҳиди ўта бадбўй, таъмини эса билмаймиз албатта ўзига яраша) билан охиригача парвариш топади.

Мақсадимиз:

1)Шундай ер ва сувларда етиштирилган шоли ва гурунчларни истеъмол қилса бўладими?

2)Шу ишлар билан мусулмон, хусусан тақволи аҳли илмлар шуғуллансалар дурустми?

Илтимосимиз:

Шу масалани ҳал этиб «Зикр аҳлидан сўранг» рисоласида чоп эттирсангиз. Олдиндан ташаккур айтиб, дуо билан бир гуруҳ марғилонлик фуқаролар номидан:

ЖАВОБ: Бисмиллаҳир роҳманир роҳийм.

Албатта, тақво юзасидан бу ишни қилмаган маъқул.

Шу билан бирга айтишимиз лозимки, фуқаҳолар: «Нажас сувлар билан суғорилган мевалар ва ахлатхонада ўсган зироатлар дони макруҳ эмас», дейишган. (Тухфатул Муҳтож фии шарҳил Минҳож). Валлоҳу аълам.